



Broj: 16-12-16-2252-~~11~~/17
I. Sarajevo, ~~17-05~~ 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. Zakona o javnim nabavkama („Službeni glasnik BiH”, broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-2252/17 od 10.05.2017. godine, u postupku javne nabavke materijala za popravku računarske i komunikacijske opreme, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku materijala za popravku računarske i komunikacijske opreme

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-2252/17 od 10.05.2017. godine i ugovor o kupoprodaji materijala za popravku računarske i komunikacijske opreme za potrebe organizacionih jedinica Državne agencije za istrage i zaštitu dodijeljuje se za:

- LOT 1 - Nabavka materijala za popravku računarske opreme ponuđaču „INTER-COM“ d.o.o. Zenica za ponuđenu cijenu od 22.803,73 KM bez uračunatog PDV-a i
- LOT 2 - Nabavka materijala za popravku komunikacijske opreme ponuđaču „INTER-COM“ d.o.o. Zenica za ponuđenu cijenu od 19.589,75 KM bez uračunatog PDV-a.

Član 2.

Ponuđači iz člana 1. ove odluke obvezuju se da u roku od pet dana od dana prijema iste ugovornom organu dostave dokaze o ispunjavanju uslova iz tač. 3.1.1. i 3.1.3. Konkurentskog zahtjeva (original ili ovjerena kopija).

Član 3.

Prijedlog ugovora o kupoprodaji dostavit će se na potpis izabranim ponuđačima, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke materijala za popravku računarske i komunikacijske opreme za potrebe organizacionih jedinica Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-2252-1/17 od 21.03.2017. godine, procijenjene vrijednosti 42.000,00 KM, bez uračunatog PDV-a, za šta su novčana sredstva predviđena u okviru budžetskih sredstava za 2017. godinu. Postupak javne nabavke proveden je putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-1-212-3-18/17 od 23.03.2017. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2252/17 od 10.05.2017. godine sa preporukom o izboru najpovoljnijeg ponuđača u postupku javne nabavke materijala za popravku računarske i komunikacijske opreme za potrebe Agencije.

Na osnovu dostavljenog Izvještaja o radu Komisije, utvrđeno je da je predmet javne nabavke podijeljen na lotove kako slijedi:

- LOT 1 - Nabavka materijala za popravku računarske opreme u vrijednosti 25.000,00 KM, bez uračunatog PDV-a i

- LOT 2 - Nabavka materijala za popravku komunikacijske opreme u vrijednosti 17.000,00 KM, bez uračunatog PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 05.04.2017. godine do 14,00 sati, te da se ponude dostavljaju u zatvorenoj koverti, Komisija je dana 05.04.2017. godine u 15,00 sati izvršila javno otvaranje ponuda prema datumu i vremenu prijema, numerišući kovertu. Otvaranju pristiglih ponuda prisustvovao je ovlašten predstavnik ponuđača „Umma muller Group“ d.o.o. Sarajevo.

Blagovremeno je dostavljeno ukupno pet ponuda i to:

Redni broj	Naziv ponuđača	LOT	Vrijednost ponude (bez PDV-a)
1.	"ELUR" d.o.o Kiseljak	LOT 1	29.111,68 KM
2.	"MIBO Komunikacije" d.o.o. Sarajevo	LOT 2	20.335,10 KM
3.	"NETWORK I" d.o.o. Bijeljina	LOT 1	26.071,00 KM
4.	"UMA MULLER GROUP d.o.o Sarajevo	LOT 1	23.993,00 KM
5.	„INTER-COM“ d.o.o. Zenica	LOT 1	22.803,73 KM
		LOT 2	19.589,75 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak

je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači "MIBO Komunikacije" d.o.o. Sarajevo, "NETWORK" d.o.o. Bijeljina i „INTER-COM“ d.o.o. Zenica ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, te ekonomske i finansijske sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Konkurentskom zahtjevu. Komisija je uvidom u dostavljenu ponudu ponuđača "ELUR" d.o.o Kiseljak utvrdila da isti ne ispunjava kvalifikacione uslove iz tačke 5.5. Konkurentskog zahtjeva, jer nije dostavio izjave iz člana 45., 47. i 52. Zakona na propisanom obrascu ugovornog organa, kako je traženo u Konkurentskom zahtjevu. Uvidom u dostavljenu ponudu ponuđača "UMA MULLER GROUP d.o.o Sarajevo Komisija je utvrdila da isti ne ispunjava kvalifikacione uslove iz tačke 5.5. Konkurentskog zahtjeva jer nije dostavio obrazac za ocjenu ponude i izjave iz člana 45., 47. i 52. Zakona na propisanom obrascu ugovornog organa, kako je traženo u Konkurentskom zahtjevu. Obzirom na navedeno ponude ponuđača "ELUR" d.o.o Kiseljak i "UMA MULLER GROUP d.o.o Sarajevo nisu uzete u dalje razmatranje.

Komisija je u cilju ocjene tehničkih uslova navedenih u Konkurentskom zahtjevu, od Sektora za operativnu podršku aktom broj 16-12-16-2259-9/17 od 12.04.2017. godine, tražila da na osnovu uvida u ponude dostavi stručno mišljenje u vezi postavljenih tehničkih uslova. Sektor za operativnu podršku je aktom broj 16-10-16-2252/17 od 19.04.2017. godine, potvrdio da dostavljene ponude zadovoljavaju tehničke uslove postavljene Konkurentskim zahtjevom.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 9. Konkurentskog zahtjeva, konstatirajući da iste ne podliježu primjeni preferencijalnog tretmana domaćeg, te je sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	„INTER-COM“ d.o.o. Zenica	LOT 1	22.803,73 KM
		LOT 2	19.589,75 KM
2.	"MIBO Komunikacije" d.o.o. Sarajevo	LOT 2	20.335,10 KM
3.	"NETWORK I" d.o.o. Bijeljina	LOT 1	26.071,00 KM

Nakon sačinjavanja rang liste ocijenjenih ponuda Komisija je konstatovala da ukupna ponuda najpovoljnijeg ponuđača „INTER-COM“ d.o.o. Zenica za LOT 1 i LOT 2 iznosi 42.393,48 KM bez uračunatog PDV-a, što premašuje procijenjenu vrijednost javne nabavke za 393,48 KM.

Komisija je aktom broj 16-12-16-2252-10/17 od 12.04.2017. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove aktom od 18.04.2017. godine, dostavio je Komisiji informaciju da ponuđeno prekoračenje nije značajno i da u budžetu za 2017. godinu postoje dodatna novčana sredstva za realizaciju predmetne nabavke.

Nakon provednog postupka ocjenjivanja dostavljenih ponuda, uvažavajući mišljenje Sektora za operativnu podršku i Sektora za materijalno-finansijsku podršku, Komisija je

utvrdila da je ponuda ponuđača „INTER-COM“ d.o.o. Zenica, ocijenjena kao najpovoljnija ponuda za LOT 1 i LOT 2.

Shodno navedenom, prihvaćen je prijedlog Komisije i odlučeno da se ugovor o kupoprodaji materijala za popravku računarske i komunikacijske opreme za LOT 1 i LOT 2 dodjeli ponuđaču „INTER-COM“ d.o.o. Zenica.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 5x,
- Sektoru za mat.-fin. poslove,
- a/a.

DIREKTOR
GLAVNI GENERALNI INSPEKTOR POLICIJE

